



Gobierno de

Tepic

La Ciudad
que Sonríe

‘Imatirieká ‘aixi ‘anemekí ta’iwama ‘ena kiekatari Tepiki yaxeikiá memitehawiya ‘ena’í kiekari hurawa ‘iki kwieyaritsié; memiwaranuka’uitiwa yu’ukiyarima ‘ena’í H. Ayuntamiento de Tepic. Ya mete ha’eriwame memiteparewiekaki mana muka’uxa Artículo 2o Constitucion Politica de los Estados Unidos Mexicanos mieme, metá Artículo 49 Bis Ley Municipal para el Estado de Nayarit hetsiena.

‘INIERIKA

Memiwaranuka’uitiwa tahetsié mieme maniutikaniki kiekatari, takiekaritsié ‘ena memitehawiya wixáritari, wahamatia Ayuntamiento Tepiki mieme.

Wahetsié mieme ‘ukarawetsixi yaxeikiá ‘ukitsi ‘ukirawetsixi tahepai memute’uniuka ‘ena memukutéi, kiekari mukumanetsié me’ayehuti xapa muyekatsié kememiyupaime yunaiti ‘ena Munitsipayari Tepic mieme, ya metayehuti tahetsié mieme; meteparewieti ta’ukitsiema memenuka’uwetsié ‘ena H. XLIII Ayuntamiento de Tepic. Metekuxatati ‘ena mayehutsié:

TITA PEMIRAYEWEIYANI:

MATARI. - ke’upaukakaku memuyutihawetsié.

I.- Memuyutihawetsié tahetsié mieme maniutikaní tahepai memuteuniuka miki mepiteyurieni kemayetaíne kiekari hetsié mieme xapatsié meye’uxa wixáritari wahetsié mieme.

II.- ke ‘upaukakaku tiyutihawitsié pitiyini matíari memuyukuxeirienitsié kiekatari ‘iki julio metseriyaritsié 2025 kiekari mukumanetsié ‘iki Ayuntamiento kiekari kepai muwiya mana ‘iki ‘inierika mipai payetaíne.

III.- ‘Iki muyutaxatatsié, el Ayuntamiento ya pitayini ‘inierika pitaxata ‘ena Gaceta Municipal yaxeikiá hakewa waikawa kiekatari memayukuxexeriwatsié, kiekaritsié wixáritari memanu’uwatsié, mewaparewieti ‘iki ya’aneme memukuxata tsiere texaxatamete memuku’utiká.

IV.- ‘Iki memuyutihawetsié mepiteyurieni tinakemeki mewa’eniéti kiekatari kememaitikaní, ‘iki yunaiti mepiteyurieni yu’ukiyari memanukakení keyupaimeti memaye’uka, yumaamá teiki memehapani yamemiteha’eriwa ke’ane wahetsié mieme maniukaní mayaní.

HUTARIEKA. - Tita mitiyuku’iwawa mayuka’utiani kiekatari wa’ukiyari mayaní.

I) Kiekame hikítiti (nitsi) ‘ena werikayapa rawiyati yatikamieí raye’aiíwati, yaxeikiá yuyeiyari rayexeyati miki mana tinaiti mutiyukuxata.

II) ‘Ayumaiti ri, yuyeiyari yunuiwari rayeweyati, yaxeikiá yuniukiki ‘uta’enanati ‘utaniuti, tsiere yukiekaritsié ‘ukaiti, tiparewieti yukiekaritsié.

III) Yu’ikiya mawerehexeyati hekwame yaxeikiá yukiekaritsié kename tiparewie hayetaíne xapa hexeyati, yatini ‘ataxewí metseriyari reutewiti kiekaritsié ‘ukaiti xapa mipai ‘ayetaíne hexeyati yunaiti kiekatari yameteha’eriwati.

IV) Kiekatari tinakemeki ‘aixi memetexeyati kename pekatiyukananaima, petiparewie ‘akiekaritsié.

V) Tawari xaítsié pekaré’uximayati, ya tini ‘iki texaxatamete pekawaniti, tinakemeki pe’ihiti.

VI) Ta’ukiyari Werikayapa makawe hetsia pekatí’uximayati, Estado nitsi Munitsipayari muwa pekatí’uximayati mana tsiere Organismos Publicos Descetralizados.

VII) Pekahehexeyati xapa hayetaíne kename ‘axapetiuka’iyari, perapine payetaíne el Artículo 38, fracción VII Constitucion Politica de los Estados Unidos Mexicanos mieme; tsiere

VIII) Xapa ‘ayehiniyame pemihuritiarieni mana Secretaría del Ayuntamiento, muwa Palacio Municipal, s/n, colonia centro yunaiti ‘itsikate yatini texaxatamete memuku’utiká takiekaritsié mukumane.

HAIRIEKA. - Tita xapate memiteyetuani yamemiteha’eriwa.

Pemitinakitsitianiki tita xapate mitiyuku’iwawa pemayuka’itianitsié, ‘iki perahuireti xapate:

I) Pemutinuiwaxitsié xapa pemutawewiyarie ‘ikiyari;

II) ‘A’ikiya mawere’ikiyari naitsarie mieme yaxeikiá ‘akie mieme hayemieti;

III) ‘ikiyari xapa hakewa pemekiekame hayemieti haika metseriyari kanutiyeiweti;

IV) Xapayari pemayuka’utiani (Xapa pemehuritiarie Secretaria del Ayuntamiento);

V) ‘tiarikayari hayetaíti yuhutati teiteri ya meteha’eriwati kename ‘akiekaritsié ‘apereutewi peukaiti;

VI) Xapa hayetaíne pe’ahuriéti No Antecedentes Penales kename xaítsié pekarapine ‘aixi ‘iyari peuyeika ‘akiekaritsié, franción VII.

NAURIEKA. - Mayuka’utiani yamemiteha ‘eriwa mitiyutihawitsié maniutikaniki yu’iwama wa hestsié mieme ‘ena el Ayuntamiento.

I.- Mayuka’utiani puti’axé yamemiteha’eriwa, pauyuyepieni ‘iki tukaritsié 19 de mayo ‘uti’ati 20 de junio ‘iki witari, ‘upaukakaku mepitata’eiya 09:00 ‘uti’ati 17:00, mana Presidencia Municipal Tepiki mieme, kiyarita Secretaría del Ayuntamiento. Muwa Palacio Municipal s/n, col. Centro de Tepic me’ayehuti ta’ukitsiema ya tini teparewewamete memvtehakumate takiekari mukumanetsié.

NIUKI: Xika xewiti xeikiá hayuka’utiani, panuyukuhurieni xapa hayetaíti, kename xewiti xeikiá hayuka’utia, miki ri mayaní yu’iwama wa’ukiyari, yu kiekari hetsié mutaniuni, mana meunierékaku el H. Ayuntamiento, tiwaraxaxatiwati, memitihawarieni Asamblea comunitaria memuyukuxeiriwa julio metseyari 2025 witariyari.

‘AIXIWI. - Hekwamete memuti hiawarieni yu’iwama wahetsié mieme maniutikaniki ‘iki mana meunierékaku Ayuntamiento.

‘Iki niukiyari memuyutihewatiwatsié ta’iwama wahetsié maniutikaní memitewiyatsitieriexiani memiyutixexeriwatsié kiekatari, pitiyini memuyutixexeriwatsié ‘iki del H. Cabildo munitsipayari Tepiki mieme, ‘uti’ati 01 de agosto de 2025, tiwaraxaxatiwati ‘etsiwa memitihawarieni yaxeikiá ‘aixi memite’utsieni mana meunierékaku el Ayuntamiento.

YAMIREUTETERE

MATARI. - Tita mikarayemíe ‘iki ‘inierikatsié, ‘aixi mepekayurieni la Comision de Gobernacion del H. XLIII Ayuntamiento Tepiki mieme.

HUTARIEKA. - Piyutaxaxata ‘iki ‘inierika ‘ena Gaceta Municipal yaxeikiá hakewa teiteri waikawa memetixuxuaweretsié, kiekari mukumanetsié memixuawetsié ta’iwama wixáritari.

Pitiyini kiyarita Presidencia del H. XLIII Ayuntamiento Constitucional Tepiki mieme, tukaritsié 31 metseriyariki marzo de 2025 witari.

ATENTAMENTE

ING. MARÍA GERALDINE PONCE MÉNDEZ

PRESIDENTA MUNICIPAL

H. XLIII AYUNTAMIENTO CONSTITUCIONAL DE TEPIC, NAYARIT.

